

Gálatas

Galacia wame tiri yehpa cjenare Jesu yequinare ojoa ohoahye Pablo

1 ¹Yuhũ Pablo, Cristo yere buhe duti tiquiro cūrigũ ijiaja. Masa cūrigũ ijieraja yuhũ. Masa pehe yuhũre buhe dutiye cuedari. Cohãcjũ mari Pacũ pehe Jesure yariariquirore masoriquiro yuhũre cūri tiquiro yere buheacjũre. Jesucristo gũhũ yuhũre cūri. Tiquina sa cūrigũ ijigũ ahrire ojoa ohoaja mũsare. ²Yuhũ mũsare Jesu yequinare Galacia yehpa cjanare quehnoa dutiaja. Yuhũ mehna cjena Jesu yequina gũhũ mũsare quehnoa dutire. ³Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiaja mũsa. ⁴Tiquiro Jesucristo pehe mari ñañene yeri buhirire yariahye. Yojoopũre masa tiquina ñañene yeri pje ijire. Sa yero tiquiro yariahye Cohãcjũ mari Pacũ tiquiro cahmediro saha marine yuhũdũoro taro. Sa tiquiro yuhũdũogũ yojoopũre ñañene tiquina yeriro saha ye duasi mari. ⁵Sa ye ijipihtiye decoripe tiquirore mari Pacũre ño peuhna. Sata yeihna.

**Cohãcjũ masare tiquiro yuhũdũoati buheye
ihcãnota ijire. Apeye buheye mariedare**

⁶Cristo mũsare cahĩno tiquiro yequina ijianajare mũsare cūri. Sa yegu mũsare cūriiquiro yere cohãna sijoro saha ijie buheye pehere duita mũsa cahmegũ ihña acuaa wahaja. ⁷Apeye buheye quehnoañe buheye yero saha ijie buheye waro ijierare. Ti sa ijierapegũta ihquẽquina mũsa cahapũ ijieyequina mũsare cariboye, sijoro saha ijie buheyere buheye, quehnoañe buheyere dojomehne duare. ⁸Sa yena mũsare usã buhe mũhtarire mari cohãgũ sijoro saha ijie buheyere mari buhegũ Cohãcjũ marine buhiri dahreahro. Sa yero angel uhmũse cjũno sa tiquiro buhegũ tiquiro gũhũre buhiri dahreahro Cohãcjũ. ⁹Mianogãta usã nidiro saha pari turi niitja: Ihcãquiro mũsare usã buherire cohãno, sijoro saha ijie buheyere tiquiro buhegũ Cohãcjũ tiquirore buhiri dahreahro.

¹⁰Sa nigũ yuhũ “Pablo dihita quehnoano buheriquiro ijire”, yuhũre ni dutigũ niedaja. Cohãcjũ pehe yuhũre “Quehnoano buheri mũhũ”, tiquiro nigũ cahmeaja. Masare bucuegũ yegu tagũ sijoro saha ijie buheyere buheboaga yuhũ. Masa dihitare bucuegũ yegu ijigũ ne Cristo cahacjũ ijieraboaga yuhũ.

Pablo Cristo cūriquiuro tiquiro iji ducarire yahuahye

¹¹Yũhũ acaye, ahrire m̄sa masigũ cahmeaja yũhũ: Quehnoañe buheyere yũhũ buheri masa ye buheye ijierare. ¹²Ti buheye masare yũhũ tuhori ijierare. Sa ye apequina masa yũhũre ti buheyere yahuerari. Jesucristo pehe yũhũre ti buheyere masigũ yeri.

¹³Panopũ judio masũ yũhũ ijie tirire masine m̄sa. Ohõ saha yee tii yũhũ: Jesu yequinare tutuaro ñano yegũ tiquinare quehnoano wejẽ peho cã duami. ¹⁴Mari ñecũsum̄a m̄na iji turiayequina tiquina buherire tutua yũhũaro ye duagũ yũhũ acaye yũhũ ihcãno mehna masariquina yũhũoro ye m̄htarigũ ijie timi yũhũ. ¹⁵Yũhũ sa ijirigũ ijiepegũta yũhũ masa bajuato pano Cohãcjũ yũhũre bese tuhasari jiri. Sa yero yũhũre cahĩno tiquiro yaquiro ijiajcũ cūri yũhũre. ¹⁶Sa yero tiquiro cahmeno saha tiquiro macũnore yũhũre masigũ yeri. Tiquiro yere quehnoañe buheyere judio masa ijieyequinare buheacjũ yũhũ ijiatire tiquiro macũnore masigũ yeri yũhũre. Tiquiro sa yegũ “¿Dũhse ni buhero cahmeagari yũhũre?” ni masare sinituerũ yũhũ. ¹⁷Sa yegũ Cristo cūriquina yũhũ pano ijiriquina cahapũre Jerusalẽpũre sinitugũ wahaerũ. Duita Arabia yehparũ wahaũ. Sa yegũ Damascopũ majare tojoa wihii.

¹⁸Ihtia cũhma bato Pedrore ihñagũ wahaũ Jerusalẽpũ. Topũre p̄na semana waro ijii. ¹⁹Sa yegũ apequinare Cristo cūriquinare ihñedũ. Santiago dihitare mari pũhtoro bahũrore ihñaaũ. ²⁰Ohõ saha ni ojoagũ Cohãcjũ mehna ne ni meho ojoaeraja.

²¹Came Siria yehparũ, Cilicia yehparũ gũhũre wahaũ. ²²Topũre yũhũ esagũ ti p̄jere Judea yehparũ ijieyiquina Jesu yequina yũhũre ihña masiedari. ²³Sa ye ahri dihitare yũhũre masi ducari tiquina: “Panopũre marine ñano yeriquiro yojopũre quehnoañe buheyere tiquiro cohã duari buheyere buhero nine”, ni, masi ducari tiquina. ²⁴Yũhũre sa masiñe Cohãcjũre “Quehnoa yũhũagũ ijire”, nidi tiquina.

Apequina Cristo cūriquina Pablöre piti ca, duita cahmene

2 ¹Catorce cũhmari bato pari turi Jerusalẽpũ wahagũ Bernabẽ mehna wahaũ. Tito gũhũ wahari yũhũ mehna. ²Cohãcjũ yũhũre tiquiro waha dutigũ topũre wahaũ. Jerusalẽpũ ijigũ “Jesu yequina pũhtoa”, masa niñequina tiquina seh̄saro cahmecoagũ quehnoañe buheyere judio masa ijieyequinare yũhũ buherire yahuu tiquinare. “¿Judio masa ijieyequinare quehnoañe buheyere yũhũ buhegũ quehnoajari, m̄sa tũhotugũ?” nigũ, sa yahuu tiquinare. Sa yahuu tiquinare panopũ yũhũ buherire, yojopũre yũhũ buheri gũhũre tiquina quehnoano masiatire, tire “Quehnoare”, tiquina niatire. Tiquina sa niedagũ yũhũ buheri dũhseati ijieraboaga.

³Yũhũ mehna cjũno Tito judio masũno ijieriquiro ijiri. Sa yero cũhnucunũ sohtoa cahserogãre yũhre nemehnediquiro ijire. Sa yũhremehnediquiro tiquiro ijiepegũta Jesu yequina pũhtoa “Mũhũ gũhũ ti cahserogãre yũhre neña”, niedari tiquirore. ⁴Tiquina sa niedapegũta ihquẽquina “Jesu yequina ijiaja”,

ni mehoñequina wacũeno mehna usã mehna sajã, tiqirore ti cahserogãre yũhre negũ cahmemedi tiquina. Jesu yequina mari ijina “Panopũ cjẽne tiquina dutiriro saha yena ti mehna yũhdũsi”, ni tũhotuaja mari. Mari sa ni tũhotugũ mari yeyere ihña duaye tiquina pehe usã mehna ni meho sajãri. Sa yeye usã ñecusũmũa mũna iji turiayequina ye dutiyere ye duti duaye, ti dutiyere ño peoducugũ ye duamedi usãre tiquina. ⁵Tiquina sa ye duepegũta quehnoañe buheyere poto mũsa masiatire ne mehenogã mehna tũho dueru usã tiquinare.

⁶Sa ye Jesu yequina pũhtoa quehnoañe buheyere yũhũ buherire tiquina tũhori bato “Ahri buheye mehna apeye buheyere buhe moreña”, ne niedari tiquina yũhũre. Jesu yequina pũhtoare ihyo ijieyequina yero saha tũhotuaja tiquinare. Cohãcjũ pehe ijipihtieyequinare ihcãno saha ihñare. Sa yegũ sata tũhotuaja yũhũ gũhũ pũhtoa gũhũre, ihyo ijieyequina gũhũre. ⁷Sa ye yũhũ buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yũhũ buheatire Cohãcjũ yũhũre tiqiro cũrire tũhoye, “Tita ijire”, nidi tiquina. Judio masare buheyere Cohãcjũ Pedrore tiqiro cũriro sahata yũhũ gũhũre cũri judio masa ijieyequinare yũhũ buheatire. ⁸Judio masare Pedrore buhe dutiriquirota Cohãcjũ yũhũ gũhũre tiquirota buhe dutiri judio masa ijieyequinare.

⁹Sa ye Santiago, Pedro, Ñu mehna Jesu yequina pũhtoa waro quehnoañe buheyere buherire Cohãcjũ yũhũre tiqiro cũrire tũhoye “Tita ijire”, nidi tiquina. Sa nieta yũhũre Bernabé mehna quehnoano bucueye mehna omoca ñehedi usãre piti tiye tehe. Sa yena judio masa ijieyequinare buhena ijiaja usã. Santiago gũhũ pehe judio masare buheyequina ijire. “Sata ijiaho”, nii usã basi. ¹⁰Sa niepeta tiquina judio masare pejecũoyequinare yedoho dutiri usãre. Pejecũoyequinare yedohoacjũ ijiita niaja yũhũ.

Antioquíapũ Pablo Pedrore tuhtiahye

¹¹Sa ye Antioquíapũ yũhũ esari bato Pedro gũhũ esari. Sa yegũ quehnoano tiqiro yerari buhiri tuhtii tiqirore. ¹²Ohõ saha yeri tiqiro: Santiago ohoriquina Antioquíapũ tiquina esato panogã, Pedro pehe judio masa ijieyequina mehna ihyaro nidi, judio masũno ijieperota. Santiago ohoriquina judio masa ijieyequinare “Cũhncunũ sohtoa cahserogãre yũhre neña”, niñequina, usã judio masa panopũ cjẽna ye dutiyere ye dutieyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiqiro cahapũ esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panopũ cjẽna mari judio masa yere yũhdũdũcagũ niaja. Sa yeye yojopũre wihiyequina yũhũre tuhtiarĩ”, nino, judio masa ijieyequina mehna ihya nemoedari. ¹³Tiqiro sa ye mehoriro saha tiqiro yegũ ihñañe, apequina judio masa gũhũ tiqiroreta ihña cũ, tiquina gũhũ tiqiro yero saha yeri. Sa yero Bernabé quehnoariquiro ijieperota tiquina yero saha yeri tiqiro gũhũ.

¹⁴Cristo ye buheye marine quehnoano, queoro ye dutire. Sa ye Pedro gũhũ ti buheye nidiro sahata yerari, judio masa ijieyequina mehna ihya duhuye. Tiquina

sa yegũ ihñagu, ijipihtiequina Jesu yequina ihñonopu Pedrore ohõ saha ni yahuu: “Mũhu judio masu ijiepeguta judio masa ye dutiyere, tiquina ijiye tiyere duhu cãri mũhu, Jesu yere yegu tuhũ. Sa yegu judio masa ijieyequina dutiye marieñequina yero saha yee tiri mũhu. Sa yerigu ijiepeguta apequina judio masa wihigũ ihñagu, judio masa ijieyequinare piti ti nemoedari mũhu. ¿Judio masa dihitare mũhu piti tigũ ihñañe, ðuhse ni tuhotuetaari judio masa ijieyequina pehe? ‘Judio masa yero saha ijihna’, ni tuhotuboaga tiquina. ¿Tiquina gũhũre judio masare ihña cũgũ cahmeajari mũhu? To ijierare”, nii tiqiurore.

Judio masare apequina masa yero saha Jesure wacũ tutua dutiahye Cohãcjũ

¹⁵ ðsã pehe judio masa masa bajuana, apequina ñano yeyequina judio masa ijieyequina yero saha ijieraja usã. ¹⁶ Sa ijina ijiepenata Cohãcjũ dutiyere Moiserre tiqiuro cũrire usã yerina ijigũ “Quehnoana ijire”, ni ihñedare Cohãcjũ usãre. Tire mari masiaja. Sa yero Jesucristore mari wacũ tutuagũ Cohãcjũ marine “Quehnoana ijire”, ni ihñanota. Tire masina, usã gũhũ Jesucristore wacũ tutuaja tiqiurore usã wacũ tutuari mehna usãre “Quehnoana ijire”, Cohãcjũ tiqiuro ni ihñatire. Sa yero tiqiuro dutiyere usã yerina ijigũ “Quehnoana ijire”, ni ihñedare Cohãcjũ usãre. Ne masa ti dutiyere yeye mehna “Quehnoañequina ijire”, ni ihñedare Cohãcjũ tiquinare.

¹⁷ Cristore mari wacũ tutuaye mehna quehnoana Cohãcjũ yequina mari waha duagũ, ñana mari ijiyere masigũ yerota Cristo. ¿Cristo mari ñañene marine masigũ yero, ñana marine ijigũ yeajari tiqiuro, msa tuhutugũ? Ne mehenogã mehna sa yerare. ¹⁸ ðsã dutiye yeye mehna yũhdũ duamedina ijiepenata ti buheyere cohãũ. Sa cohãepenata pari turi ti buheyere yena ti dutiyere usã ye pehoerari buhiri potota buhiri tinata usã. ¹⁹ Cohãcjũ dutiyere Moiserre tiqiuro cũrire ihcãno sahaeraja mari. Sa yena ti dutiye mehna ne yũhdũsi mari. Sa yena Cohãcjũ tutuaye mehna tiqiuro yequina ijiaja mari.

²⁰ Cristo mehna curusapu yariariquina yero saha ijiaja mari. Sa yena yariariqiuro tiqiuro esa tuharo tiqiuro yerariro saha mari esa tuharo yeraja. Cristo ye tutuaye mehna yeaja. Sa yena yojopũre Cohãcjũ macũnore wacũ tutuaye mehna ijiducuaja mari. Tiquiro Cohãcjũ macũno marine cahĩne. Sa yero mari ye buhirire yariari. ²¹ Ti dutiye yeye mehna quehnoana Cohãcjũ yequina mari wahagũ Cristo yariari pehe ne ðuhseati ijieraboaga. Cohãcjũ marine tiqiuro cahĩdire, Cristo tiqiuro yariarire ihyo ijiye waro yero saha ijigũ ye dueraja yũhũ pehe. Sa yegu “Dutiye mehna yũhdũgũtja”, ne nisi yũhũ.

Cohãcjũ dutiye Moiserre tiqiuro cũrire, wacũ tutuaye gũhũre yahuahye Pablo

3 ¹ Yũhũ acaye, msa Galacia cjãna tuho masiena iji wame tire msa. Jesucristo curusapu tiqiuro yariarire buheyere ijipihtiequina tiquina ihñonopu msare yahuu. ¿Sa yena yojopũre tiqiuro yere msa yũhdũducature ni mehoñequina msare tiquina dojomehnegũ ðuhse yena tiquinare yũhtiri msa? ² Ahrireta yahu duaja msare: Dutiyere msa yeye mehna Espĩritu Santore

cuo dũcaerari mũsa. Quehnoañe buheye pehere tũhona Cristore mũsa wacũ tutuaye mehna Espĩritu Santore cuo dũcari mũsa. ³Espĩritu Santo tutuaye mehna mũsa Cristo yequina iji dũcagũ vojopũre mũsa basi dutiyere mũsa yeye mehna Cohãcjũ cahapũ mũsa waha duagũ ñarĩne. Tũho masiena ijire mũsa, sa yena. ⁴¿Quehnoañe buheyere mũsa yeri buhiri peye tahari mũsa ñano yũhdũna ihyo warota ñano yũhdũna niyari mũsa, sa wahana? Ihyo waro ijierare mũsa sa ñano yũhdũri. Dutiye yeye mehna Cohãcjũ cahapũ mũsa waha duana ihyo warota ñano yũhdũna niyoaga mũsa. ⁵¿Dũhse mũsa yeri wapa Espĩritu Santore mũsare ohori Cohãcjũ, mũsa tũhotugũ? Tiquiro dutiyere mũsa yeri wapa ohoerari tiquiro. Tiquiro buheyere quehnoano mũsa tũhogũ ihũano tiquirore mũsa wacũ tutuari batopũ Espĩritu Santore ohori tiquiro. ¿Cohãcjũ mũsa watoa tiquiro tutuaye mehna ye ihũono dũhse ijire boro sa ye ihũojari tiquiro, mũsa tũhotugũ? Tiquiro dutiyere mũsa yeri wapa sa ye ihũoedari tiquiro. Tiquiro buheyere quehnoano mũsa tũhogũ ihũano tiquirore mũsa wacũ tutuagũ sa ye ihũori tiquiro.

⁶Abrahã Cohãcjũre wacũ tutuahye. Tiquiro sa yegũ tiquirore Cohãcjũ “Quehnoariquiro ijire”, ni ihũahye. ⁷Sa yena ahri yũhũ niatire masiña mũsa: Cohãcjũre wacũ tutuayequinata potota Abrahã panamena iji turiayequina ape tjuro cjẽna yero saha ijire. ⁸Panopũ Cohãcjũ yere tiquina ojoari pũpũ ohõ saha ni yahuahye: Judio masa ijieyequina Cohãcjũre tiquina wacũ tutuagũ ihũano “Quehnoañequina ijire”, ni ihũare Cohãcjũ. Tiquiro sa ni ihũantire Cohãcjũ panopũ masiyuro, tiquiro quehnoañe buheyere Abrahãre yahu mũhta tuhasahye. “Mũhũ mehna ahri yehpa cjẽnare ijipihtiyequinare quehnoano yeitja”, niahye Cohãcjũ Abrahãre. ⁹Sa yero Abrahã Cohãcjũre quehnoano tũho wacũ tutuahye. Tiquiro sa wacũ tutuagũ ihũano Cohãcjũ tiquirore quehnoano yeahye. Sa ye apequina masa Cohãcjũre tiquina wacũ tutuagũ, tiquina gũhũre quehnoano yerota Cohãcjũ, Abrahãre tiquiro yeriro sahata.

¹⁰“Ti dutiyere Moiserre tiquiro cũri mehna Cohãcjũ yequina wahanata”, ni tũhotuyequina buhiri tiyequina ijire. Tiquiro ojoari pũpũ sata nine: “Cohãcjũ dutiyere tiquiro ya pũpũ tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye. ¹¹Cohãcjũ yere tiquina ojoari pũpũ ohõ saha nine: “Cohãcjũre wacũ tutuayequinare ‘Quehnoañequina ijire’, ni ihũare Cohãcjũ. Sa wacũ tutuaye ijipihtiyere decori Cohãcjũ mehna sa ijiducuenta”, nine Cohãcjũ yere tiquina ojoari pũpũ. Tiquiro sa nigũ ahri yũhũ niatire mari quehnoano masiaja: Ti dutiyere tiquina yeye mehna masare quehnoañequina yero saha ihũedare Cohãcjũ. ¹²Dutiye yeye mehna Cohãcjũ cahapũ waha duayequina Cohãcjũre wacũ tutuerare. Ohõ saha nine Cohãcjũ yere tiquina ojoari pũpũ: “Dutiye yeye mehna quehnoañequina waha duayequinare ti dutiyere ye pehorõ cahmene tiquinare”, nine Cohãcjũ yere tiquina ojoari pũpũ.

¹³Sa ye ti dutiyere marine buhiri tigũ yere. Mari buhiri tigũ ihũano Cristo pehe tiquiro basi mari ye buhirire buhiri tiquiro waharo, mari buhiri tiborire buhiri ti basahye marine. Cristo tiquiro buhiri tiatire yahuro ohõ saha ni ojoahye panopũre: “Ijipihtiyequina yucũripũ tiquina duhu ohõriquina

buhiri tiriquina ijire”, ni, ojoahye panopure. ¹⁴Tiquiro sa ni ojoariro sahata sa yeahye Cristore. Cohãcjũ Abrahãre “Ahri yehpa cjenare quehnoano yeitja”, tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohãcjũ quehnoano tiquiro yeatire. Sa yero Jesucristo mehna sohtori tiahye Cohãcjũ Abrahãre tiquiro nidiro sahata. Sa yeahye tiquirore mari wacũ tutuari bato Espiritu Santore mari cœoatore.

Tiquiro buherire quitu mehna yahu nemoahye Pablo

¹⁵Yũhũ acaye, masa ye quitu mehna ti yũhũ nidire yahutja musare: Tiquina pacuro tiquiro yariato pano tiquiro pohne comesatire yahuri pũ ohõ saha ni ojoare. “Yeere yũhũ pohñare ohoutja”, ni ojoare. Tiquiro sa ni ojoa cũri pũre tiquiro yariato pano apequiro pehe ti pũre sijoro saha ni ojoa nemo masiedare. Sa yero ti pũre “Poto ijierare”, ni masiedare. ¹⁶Ti pũre tiquina pacuro tiquiro pohñene tiquiro cũriro saha “Musare quehnoano yeitja”, Cohãcjũ nino, Abrahãre tiquiro panamino iji turiariquiro gũhũre nino niahye. Sa nino apequina tiquiro panamena iji turiayequinapure nino niedahye. Ihcãquiroreta tiquiro panamino iji turiariquiro dihitare nino niahye Cohãcjũ. Tiquiro Abrahã panamino iji turiariquiro Cristo ijire. ¹⁷Yojoapure quehnoano yahutja musare: Abrahã gũhũre Cohãcjũ “Musare quehnoano yeitja”, tiquiro ni cũri bato cuatro ciento treinta cũhmari yũhdũri bato tiquiro dutiyere Moiserẽ cũahye. Sa cũno Abrahã gũhũre Cohãcjũ “Musare quehnoano yeitja”, tiquiro nidire boro taro niedahye. ¹⁸Cohãcjũ marine yũhdũoro dutiyere mari yeye mehna marine yũhdũoerare. Dutiyere yeye mehna mari yũhdũgũ Cohãcjũ “Musare quehnoano yeitja”, tiquiro nidi pehe dũhseati ijieraboaga. Marine yũhdũoro taro Cohãcjũ Abrahãre tiquiro ni cũri mehna sa yero taro niahye.

¹⁹¿Sa yero dũhse yeatire tiquiro dutiyere cũri Cohãcjũ? Tiquiro dutiyere cũahye ti dutiyere mari yũhdũdũcarire mari quehnoano masiatire. Sa yero panopure Cohãcjũ “Mũhũ panamino iji turiariquiro mehna masare quehnoano yeitja”, Abrahãre tiquiro nidiquiro tiquiro wihiato pano Cohãcjũ dutiyere cœomahye masa. Sa yero Cohãcjũ dutiyere tiquiro cũgũ tiquiro yequina angele pehe tire duti turiahye. Sa ye Moiserẽ tiquina cũgũ, tiquiro pehe masare cũ turiahye tja. ²⁰Ti dutiyere Moise cũ turiagũ Cohãcjũ tiquiro basita masare cũedahye. Sa cũedaperota Cohãcjũ “Mũhũre quehnoano yeitja”, Abrahã pehere ni cũno, tiquiro basita sa ni cũahye.

²¹Cohãcjũ Moiserẽ tiquiro dutiyere cũno, to pano Abrahãre tiquiro nidire “Abrahãre yũhũ nidiro saha yesi yũhũ”, nino niedahye tiquiro. Abrahãre tiquiro nidiro sahata yero taro niahye. Tiquiro dutiye yeye mehna Cohãcjũ yequina wahana ti pje pũrita dutiyere mari yeye mehna quehnoana wahaboaga mari. ²²Sa yero Cohãcjũ tiquiro yere tiquina ojoari pũ pehe ijipihtiequina ñaõe buhiri tiyequina tiquina ijiyere yahuahye. Sa ni yahuahye Cohãcjũ “Musare quehnoano yeitja”, to pano tiquiro nidiro sahata yero taro. Sa yero Jesucristore wacũ tutuayequinare quehnoano yere to pano tiquiro nidiro sahata.

²³Cohãcjüre wacũ tutuati buheyere marine tiquiro cũato pano tiquiro dutiye pehe mari ñaÑe yerire marine masigũ ye tuhasari. Sa ye marine yahuri ti dutiye pehe. Cohãcjüre wacũ tutuati buheyere marine tiquiro yahugũpũ tiquiro dutiye marine yahu duhuri. ²⁴Sa ye Cohãcjũ dutiye pehe Cristo wihiato pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiquiro ni ihñatire. ²⁵Yojopũ pũritare Cristore mari wacũ tutuari pje ijire. Ti sa ijigũ tiquiro dutiye pehe marine yahu nemoedare. Marine duti nemoedare.

²⁶Sa yena Cristo Jesure mũa wacũ tutuaye mehna Cohãcjũ pohna ijire mũa. ²⁷Ijiphtina mũa Cristo wame mehna wame yenohrina ijina, Cristo Cohãcjũ macũno tiquiro ijiro sahata tiquiro pohmata ijire mũa gũhũ. ²⁸Yojopũre pũa curua ijierare mũa. Judio masa ijiena, judio masa mehna pũa curua ijierare mũa. Cahacjãna, cahacjãna ijiena mehna pũa curua ijierare mũa. Ûmũa, numia mehna pũa curua ijierare mũa. Sa yena ijiphtina mũa Cristo yequina ijina, ihcã curuata ijire mũa. ²⁹Sa yena Cristo yequina ijina, Abrahã panamena iji turiana yero saha ijire mũa. Mũa sa ijina ijigũ Cohãcjũ Abrahãre “Mũsare quehnoano yeitja”, tiquiro nidiro sahata mũa gũhũre quehnoano yerota tiquiro. Cristo yequina mũa ijigũ ihñano mũsare quehnoano yerota.

4 ¹Ohõ saha ijire ahri quiti mehna yũhũ yahu nemogũ: Tiquiro pacũro came tiquiro yere neatiquiro wahmũno iji cãhtariquiro ijiropũ ijiphtiyero tiquiro ye ijiepegũta cahacjũno yero saha ijire tiquiro. ²Sa ye tiquiro wahmũno iji cãhtariquiro ijigũ tiquirore ihña ihboyequina tiquiro yere ihña ihbore. Sa yero tiquiro pacũro queoriro esagũpũ tiquiro pacũro yere cũorota. ³Ohõ saha wahmũno iji cãhtariquiro yero saha ijimi mari gũhũ. Sa ijina mari ijigũ cahacjẽnare tiquina dutiro saha ahri yehpa cjẽ dutiye masa ye dutiye marine dutinimedi. ⁴Mari sa ijina ijiepegũta tiquiro queori pje esagũ Cohãcjũ tiquiro macũnore ohoahye. Sa tiquiro ohogũ tiquiro macũno ihcãcoro nuhmino mehna masa bajuahye. Sa yero tiquiro judio masũno masa bajuagũ Cohãcjũ dutiye Moiserere tiquiro cũri tiquirore dutinimahye. ⁵Mari gũhũre ti dutiyeta dutinimahye. Sa yero marine yũhdũoatiquirore ohoahye Cohãcjũ tiquiro macũnore, tiquiro pohna mari wahatire.

⁶Sa yero tiquiro pohna mari ijigũ Cohãcjũ macũno tiquiro yaquiro Espĩritu Santore mari mehna ijiatiquirore ohoahye Cohãcjũ. Tiquiro yaquiro Espĩritu Santo pehe Cohãcjũre “Mai”, niniquiro ijire. ⁷Sa yena mũa Cohãcjũ yedohoye mehna cahacjãna ijierare mũa yojopũre. Tiquiro pohna ijire mũa. Sa yena tiquiro pohna ijina, Cohãcjũ tiquiro ohoatire cũonata.

Pablo Galacia cjẽnare Jesu yequinare cuesãhye

⁸Panopũ Cohãcjũre mũa masiena ijina “Cohãcjũ ijire”, mũa niÑe queoyere ño peona ti queoye cahacjãna ijimahye mũa. Mũa sa ño peoyequina cohãmana waro ijierahye. ⁹Sa ijirina ijiepenata yojopũre Cohãcjũre masine mũa. Ijierare. Tiquiro pũrita mũa pehere masine. ¿Tiquiro sa masiepegũta dũhse yena ahri

yehpa cjëna ye buheye pehere cahmeajari mûsa? Ti buheye dũhseati ijierare. ¿Dũhse yena panopũ mûsa yeriro sahata Cristo marieno ye duajari mûsa? ¿Dũhse yena dutiyere mûsa yeducuri mehnata Cohãcjũ cahapũ waha duajari mûsa? Wahasi mûsa. ¹⁰Ihquẽ decorire, ihquẽ asũrine, ihquẽ pohecũrre, ihquẽ cũhmarine bõse decorire dahre dutire mûsa. “Mari sa yeye mehna dutiye mehna yũhdũnata”, ni, tũhotumene mûsa. ¹¹Mûsa sa ni tũhotugũ mûsare tutuaro yũhũ buheri dũhseati ijieraboaya, yũhũ tũhotugũ. Sa yegũ mûsare cuesãja.

¹²Yũhũ acaye ahrire tutuaro duitija mûsare: Cristore yũhũ tũhoturiro sahata mûsa gãhũ tiqirore tũhotuya. Panopũ dutiye yeye mehna yũhdũ duayequina ijieramahye mûsa judio masa ijiena ijina. Yojobũ pehere yũhũ gãhũ mûsa yero saha wahaũ, dutiye yeye mehna yũhdũ dueragũ. Sa yena Cristore yũhũ tũhoturiro sahata mûsa gãhũ sata tiqirore tũhotuya.

Mûsa mehna yũhũ ijigũ quehnoano yeri mûsa yũhũre. ¹³Dohatigũpũta mûsare quehnoañe buheyere coã warore buhe dũcaũ yũhũ. ¹⁴Yũhũ sa dohatigũ ijiepegũta yũhũre yabierari mûsa. Sa yena yũhũre cohã tojoerari mûsa. Sa yena Cohãcjũ yaquiro angelre, Jesucristo gãhũre mûsa piti caboriro saha yũhũre quehnoano piti cari mûsa. ¹⁵¿Yojobũre dũhse wahari mûsa bucueye? Mûsare ahrire niitja: Purĩñene dũcana mûsa caperire ore we ne yũhũre ohoboaya mûsa. ¹⁶¿Yũhũ mehna cjãna ijiepenata yojobũre queoro mûsare yũhũ yahuri buhiri ihãna tuhtiajari mûsa yũhũre?

¹⁷Sohõ ijiriquina mûsare tutuaro cahmesãre. Tiquina tũhotuye sijoro saha ijire. Quehnoañe ijierare. Tiquina mûsare yũhũre yũhdũdũcagũ cahmene, tiquina pehere ño peo dutiye. ¹⁸Quehnoano mehna mûsa quehnoano wahati pehe mûsare tiquina cahmesãgũ quehnoarĩboaga. Sa ye topũre yũhũ mariedagũ gãhũre tiquina sa cahmesãgũ quehnoarĩboaga. ¹⁹Yũhũ pohngã, niji wahcõricoro ticoro ñano yũhdũro saha mûsare ñano wacũ tũhotuaja yũhũ. Tee Cristo yero saha mûsa ijigũpũ mûsare wacũ duhutja. ²⁰Mianogã mûsa mehna ijigũ tuhtiro marieno bucueye mehna mûsa mehna yũhũ yahugũ quehnoaboaga yũhũre. Mûsare pajiro tũhotugũ niaja yũhũ.

Agar Sara mehna tiquina ijirire yahuahye Pablo

²¹Tũhoya mûsa yũhũre. Cohãcjũ dutiyere yeye mehna yũhdũ duana ijiepenata tiqiro dutiye pehere quehnoano masiedare mûsa. ²²Ohõ saha niahye Cohãcjũ yere tiquina ojoari pũpũ: Abrahã pũaro pacũro ijiahye. Tiquiro cahacjõno Agar wame tiricoro mehna ihcãquirore pohna tiahye. Sa ye tiqiro namono poto Sara wame tiricoro mehna gãhũre ihcãquiro pohna tiahye. ²³Sa ijiepegũta tiqiro cahacjõno macũno masa mari yero saha masa bajuahye tiqiro. Tiquiro namono poto macũno pehe “Ihcãquirogã pohna tinata mûsa”, Cohãcjũ ni yahuriro sahata masa bajuahye tiqiro pehe. ²⁴Ahri quti marine quehnoano queoye mehna yahure: Cohãcjũ pũa taha masare “Mûsare yedohoutja”, tiqiro niñe yero saha ijire ahriquina numia pũaro numia. Ihcãcoro Sinaí wame tidũpũ Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegũ

judio masa gũhu dutiyere yeducuye mehnata yũhdu duayequina ticoro yero saha ijire. Tiquina cahacjēna yero saha ijire. ²⁵Ticoro Sinaí wame tidu Arabiapu ijidu yero saha ijiricoro ijire. Yojoþure Jerusalē cjēna judio masa dutiye yeye mehna yũhdu duayequina dutiye cahacjēna yero saha ijire. Sa yeye mari queoye mehna buhegũ tiquina ticoro yero saha ijire cahacjōno ticoro ijiro saha. Tiquina Cohācjũ pohne ijierare. ²⁶Mari pehe Cristo yequina ijina Cohācjũ pohna ijiaja. Sa yena uhmuse cjāna ijiaja. Jerusalē uhmusepu ijiri maca cjāna ijiaja mari. Topure masa tiquina yũhduatire dutiyere yeye mariedare. ²⁷Cohācjũ yere tiquina ojoari pũpu ohõ saha ni ojoahye Cohācjũ pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niji wahcõno purĩnore masiego ijigo. Mũhu pehe manũ cohõrigo ijigo apecoro manũ tiricoro yũhduoro peyequina pohna tigota. Sa yego bucueya, ni ojoahye panopure ticoro pohna tiato pano Sara yero saha ijiricorore yahuro.

²⁸Yũhu acaye, Cohācjũ nidiro sahata Isaac masa bajuahye. Mari gũhu tiquiro yero saha Cohācjũ nidiro sahata tiquiro pohna ijiaja mari. ²⁹Sa ijiepegũta ti pjeþure ihyo ijiriquiro yero saha masa bajuariquiro ñano yeahye apequirore Espĩritu nidiro sahata masa bajuariquirore. Yojoþu gũhure sata ijire Cohācjũ yequinare masa ñano yegũ. ³⁰Sa yero ohõ saha nine Cohācjũ yere tiquina ojoari pũpu: “Cahacjōno macũno tiquiro pacuro yere cõno masiedare. Tiquiro namono poto macũno pehe tiquiro pacuro yere cõno masine. Sa ye tiquiro cahacjōnore ticoro macũno mehnata cohā cãhña”, ni ojoahye. ³¹Yũhu acaye, ne cahacjōno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohācjũ mari Pacu yere cõno masiaja.)

Cristo marine cahacjēna yero saha ijiyere tiquiro duhugũ yeri bato tutuana ijiro cahmene marine

5 ¹Sa yero mari cahacjēna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiaja mũa. Ti dutiye mehna yũhdu duayequina cahacjēna yero saha ijimedina pari turi cahacjāna sajaedacãhña mũa.

²Yojoþure yũhu Pablo ahrire yahutja mũsare: “Cuhñucunũ sohtoa cahserogãre mari yũhre nedi mehna yũhdũnata”, mũa ni tuhutugũ Cristo mũsare tiquiro yedohori dũhseati ijierare mũsare. ³Ijipihtina ti cahserogãre mũa yũhre nedi mehna yũhdu duanare pari turi ohõ saha ni yahutja yũhu. Ti cahserogãre mũa yũhre nedi mehna yũhdu duana, apeye Cohācjũ dutiyere ye pehoerana, yũhdũsi mũa. ⁴Dutiye yeye mehna yũhdu duana Cristo pehere cohãri mũa. Sa yena mũsare Cohācjũ tiquiro cahĩñene, tiquiro yũhduo duayere duhu cãri mũa. ⁵Sa ijiepegũta Espĩritu Santo tutuaye mehna Cohācjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohācjũ marine. Tiquiro sa ni ihñagũ marine tiquiro yũhduoatire masiaja mari. ⁶Cristo Jesu yequina ijina cuhñucunũ sohtoa cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhure

ne dũhseati ijierare. Sa ijiepegũta Cristo pũritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

⁷Mũsa Cristore quehnoano wacũ tutuamedĩ. ¿Quehnoañe buheyere mũsare yũhũ acaye judio masa tiquina yũhdũdũca dutigũ dũhse yena tiquinare yũhtiri mũsa? ⁸Tiquina ye buheye Cohãcjũ mũsare cũriquiro tiquiro ye buheye ijierare. ⁹Ahri yũhũ niatire wacũña mũsa: Mehenogã pã pugũ yeye trigo yũbũre quehnoano ti sehsaro saha yũhũ acaye judio masa ye buheye pehere peyequina mũsa mehna cjẽna cahmeboaga. ¹⁰Mari pũhtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere camerũre cahmesi mũsa. Tire masiaja yũhũ. Mũsare dojomehne cohteyequina noho ijieyequina ijiaga. Tiquinare Cohãcjũpũ buhiri dahrerota.

¹¹Yũhũ acaye, “Dutiye yeye mehna yũhdũnata”, tiquina ni buheyere yũhũ buhegũ ijigũ judio masa yũhũre ñano yeraboaga. Cristo curusapũ tiquiro yariarire yahuye buheyere yũhũ buheri buhiri tiquina ñano yeri yũhũre. Cristo ye buheye mehna judio masa ye buheyere yũhũ buhe moregũ yũhũre ñano yeraboaga tiquina. ¹²Mũsare dojomehne cohteyequina mũsa cuhnucunũ sohtoa cahserogãre yũhre ne dutiyequina tiquina basi dihita yũhre neahdo.

¹³Yũhũ acaye, “Dutiye mehna yũhdũnata”, ni tũhotu dutierare Cohãcjũ mũsare. Ti dutiye mehna yũhdũerapenata ti dutiyere yũhdũdũcaeracãhña mũsa. Sa ye mũsa mehna cjẽnare cahme cahĩna, tiquina cahacjẽna yero saha yedohoya tiquinare. ¹⁴Ihcã dutirore quehnoano yena, Cohãcjũ dutiyere ye pehona niaja mari. Ohõ saha ijire ti dutiro: “Mũhũ basi mũhũ cahĩno saha mũhũ cahapũ ijieyequina gũhũre cahĩña”, ni, dutiahye. ¹⁵Sa yena wahiquina yero saha mũsa basi cahme dũse tutueracãhña. Sa yena cahmequedacãhña. Mũsa mehna cjẽna “Cristo yere duhuari”, nina, quehnoano yeya mũsa.

Masa ñañene tiquina tutuaro cahmeñene, Espĩritu Santo cahmeñe gũhũre yahuahye Pablo

¹⁶Espĩritu Santo tiquiro cahmeno sahata ijiya mũsa. Sa yena mũsa ñañene mũsa tutuaro cahmeñene yeracãhña. ¹⁷Ñañene mũsa tutuaro cahmegũ Espĩritu Santo ihña tuhtire. Tiquiro sa ihña tuhtigũ ti ñañene duhu duare mũsa. Sa yena ñañene mũsa tutuaro cahmena, Espĩritu Santore ihña tuhtire mũsa. Sa ihña tuhtina tiquiro cahmeno saha yerare mũsa. Sa ye ñañene mũsa tutuaro cahmeñe Espĩritu Santo tiquiro cahmeñe yero saha ijierare. Sa ye Espĩritu Santo tiquiro cahmeñe ñañene mũsa tutuaro cahmeñe yero saha ijierare ti. Sa yena mũsa cahmeno saha yerare mũsa. ¹⁸Sa yena Espĩritu Santo tiquiro cahmeñene yena ijina “Dutiye mehna mari yũhdũnata”, ni, tũhotuerare mũsa.

¹⁹Masa ñañene tiquina yeyere mari quehnoano masi tuhasaja. Ohõ saha ijire ti: Numino mehna ñano yeye, umũno mehna ñano yeye, wũana tiye, bũe tiro marieno ñano yeye, ²⁰⁻²¹“Cohãcjũ ijire”, tiquina niñe queoyere ño peoye, masare ujuayequina yayia tiquina yeye, ihña tuhtiye, cahme dũse tini wiaye,

doeye, usuaye, tiquiro basi dihita c̄uo duaye, ih̄ña tuhti cahme tu waye, ihc̄a curua cj̄ēna ape curua cj̄ēnare ih̄ña tuhtiye, apequina yere cooye, masare wejēne, queheye, queheye bōse decorire yeye, oh̄o saha ijiye ijire ñañene yeye. Panop̄u m̄usare cuaro mehna yuh̄u nidiro sahata vojop̄u ḡũh̄ure niitja: Ti borore yeriquina Coh̄ācj̄ũ puh̄toro ijirop̄ure uhm̄usep̄ure ne esasi.

²²Esp̄iritu Santo pehe marine oh̄o saha yena ijiḡũ yere: Masare cah̄ña, bucuena, cueye mariena, usua m̄uñena, apequinare quehnoano yena, quehnoana, duhuro marieno Coh̄ācj̄ũ cahmeñene yena, ²³quehnoano mehna yena, tiquina ñañe ye duarire yerana ijiḡũ yere marine tiquiro. Sa yeyequinare “Sa yerac̄ah̄ña”, ne ihc̄aquiroye niedare. ²⁴Cristo Jesu yequina ijina tutuaro mari ñañene ye duarire coh̄a tuhasa. ²⁵Esp̄iritu Santo marine Coh̄ācj̄ũ mehna sa ijiducuḡũ yerota. Sa yena tiquiro cahmeno sahata yeducuna ijih̄ña mari.

²⁶“Apequinare masi yuh̄dud̄caja us̄a”, ni, tuh̄otuna ijierac̄h̄ña mari. Sa yena mari mehna cj̄ēnare usuaḡũ yerac̄h̄ña mari. Sa yena mari basi cahme coerac̄h̄ña.

M̄usa mehna cj̄ēnare yedohoya

6 ¹Yuh̄u acaye, ihc̄aquiroye m̄usa mehna cj̄ũno tiquiro ñañene yeḡũ Cristore quehnoano wac̄ũ tutuana ijina cah̄ñe mehna tiquirore yedohoya quehnoañene pari turi tiquiro yeatire. Sa yena m̄usa ḡũh̄u “Ñañene tutuaro cahmeari”, nina quehnoano yeya. ²M̄usa mehna cj̄ēna tiquina ñano yuh̄duḡũ ḡũh̄ure yedohoya tiquinare. M̄usa sa yena Cristo tiquiro dutiro saha yena ninata m̄usa.

³Ihc̄aquiroye ihyo ijiriquiroye ijieperota “Apequinare masi yuh̄dud̄caja”, ni tuh̄oturo, tiquiro basi ni mehoñe dihitare tuh̄oturiquiroye ijire. ⁴Ihqūequina m̄usa seh̄saro m̄usa yerire “Ahri quehnoañe ijire. Ahri ñañe ijire”, ni masiña. Sa masina m̄usa yeri quehnoañe ijiḡũ m̄usa basi bucuenata. Sa yena “Apequinare masi yuh̄dud̄caja”, nisi m̄usa. Sa niedana apequinare m̄usa yuh̄dud̄cari mehna bucuēs̄i m̄usa. ⁵Sa yero Jesu yaquiroye Coh̄ācj̄ũ yere tiquiro basi yere. Apequiroye mas̄no tiquirore tire yedoho masiedare.

⁶Sa yena quehnoañe buhehere buheriquiroye apee boro m̄usa c̄uoyere tiquirore ohoya m̄usa tiquiro buhena.

⁷Oteyere oteriquiroye ñañe p̄jerire otero ñañe d̄ucare c̄uorota. Quehnoañe p̄jerire otero quehnoañe d̄ucare c̄uorota. Oh̄o saha mari ḡũh̄u ñañene yena ñañene c̄uonata. Sa yero mari ñari buhiri buhiri dah̄rerota. Quehnoañene yena quehnoañene c̄uonata. Sa yena quehnoano ijinata. Sa yena “Us̄a ñañene yeḡũ Coh̄ācj̄ũ us̄are buhiri dah̄resi”, ni tuh̄otuerac̄h̄ña. Ñañene yeyequina Coh̄ācj̄ũre bujupeyequina ijire. Coh̄ācj̄ũre bujupeyequinare buhiri dah̄rerota tiquiro. ⁸Mari ñañene tutuaro cahmena, tire yena, ti mehnata varianata. Sa yena pecap̄u wahanata. Esp̄iritu Santo pehe tiquiro cahmeñene mari yeḡũ tiquiro marine ijipihtiye decori uhm̄usep̄u ijiducuḡũ yerota. ⁹Sa yena quehnoañene yena tire caributierac̄h̄ña mari. Coh̄ācj̄ũ tiquiro queori p̄je ijiḡũ quehnoañene c̄uonata mari

caributierana. ¹⁰Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pūritare apequna yuhduoro quehnoano yeihna.

Pablo yahu bato tiro, quehnoa duti bato tiahye

¹¹Bujuye letra yuhū ojoari mehna ya omoca mehna mūsare yuhū ojoarire ihñaña mūsa. ¹²Mūsare cuhñucunū sohtoa cahserogāre yuhre ne dutiyequina masa tiquinare ño peogū cahmene. Cristo curusapū tiquiro yariarire yahuye buheyere mari buheri buhiri masa ñano yere marine. Tiquina sa yegū ihñañe ahriquina mūsare cuhñucunū sohtoa cahserogāre yuhre ne dutire “Judio masa ye buheyere yeaja”, niñe. Sa tiquina ye dutigū judio masa tiquinare ñano yeraboaga. Sa ye ti cahserogāre yuhre ne dutire. ¹³Mūsare ti cahserogāre yuhre ne dutiyequina pehe Cohācjū tiquiro dutirire ye pehoerare. Sa ye ti cahserogāre mūsare tiquina yuhre ne dutiri bato mūsa yuhūti gū ihñañe, judio masa pehe tiquinare mūsare yuhre ne dutiyequinare ño peoboaga. Tiquina sa ño peoatire mūsare dutire tiquina.

¹⁴Yuhū pehe masa yuhure tiquina ño peogū cahmeda yuhduaja. Mari pūhtoro Jesucristo curusapū tiquiro yariari pehere masa tiquina ño peogū cahmesāja yuhū. Sa curusapū tiquiro yariagū ahri yehpa cjē ñañene watīno yuhure tiquiro ye dutigū yerū yuhū. Sa yariaro ti ñañene yuhure cahmedagū yeri tiquiro.

¹⁵Tiquiro sa yegū Cristo Jesu yequina ijina ti cahserogāre mari yuhre negū ne duhseati ijierare. Ti cahserogāre mari yuhre nedagū gūhure ne duhseati ijierare marine. Sa ijiepegūta quehnoañe pehere mari comesagū pūritare quehnoare. ¹⁶Ijipihtina ahri yuhū buherire yena, potota Cohācjū yequina ijina, cuero marieno quehnoano ijija mūsa. Sa yena Cohācjū tiquiro paja ihñano mehna ijija mūsa.

¹⁷Mari pūhtoro Jesu cahacjū yuhū ijiri buhiri yuhū pagure cami tiaja yuhū. Yuhū sa ijirigū ijigū vojopure apequna yuhure cariboeracāhdo.

¹⁸Yuhū acaye, mari pūhtoro Jesucristo mehna mūsare ijipihtinare quehnoa dutiaja. Sata ijiahero.